



## Ilaqutariinnermut Inatsisillu Atortinneqarnerannut Naalakkersuisoq

**Aleqa Hammond**

/Maani

### UKA 2006/35. Inunnut annertuumik innarluutilinnut ikiorsiisarneq pillugu Inatsisartut peqqussutaata allangortinneqarnissaanik siunnersuut pillugu Inatsisartut Ilaqutariinnermut Ataatsimiititaliaata apeqquutigumasai.

3. oktober 2006  
Sags.nr. 01.38.02.05-00014

UKA 2006/35-p siullermeerneqarnera arlalinnik apeqqutinik Inatsisartut Ilaqutariinnermut Ataatsimiititaliaat sukumiinerusumik misissorusutaanik pilersitsivoq, taamaattumik apeqquutit makku nassuiarneqarnissaat qinnutigineqarpoq:

Inatsisartut Allattoqarfiat / Landstingets  
Bureau  
Postboks 1060  
3900 Nuuk  
Oq/tel +299 34 50 00  
Fax +299 32 46 06  
Landstinget@gh.gl  
[www.nanoq.gl](http://www.nanoq.gl)

- 1) **Sannavik illersugaasoq qanoq paasisariaqarpa?**
- 2) Siunnersuut ilusimisut isikkoqartoq akuerineqassagaluarpat kommunit sammisassaqaqtitsiviinik atuisut annertuumik innarluutillit pillugit malittarisassanut ilaasut ilaatigut angerlarsimaffiminni najugallit, Namminersornerullutik Oqartussanit ingerlatsineranut tapiissutinik annaasaqassapat?
- 3) Sannavik illersugaasoq inunnittaaq annertuumik innarluuteqanngitsunit atorineqassagaluarpat sannavittut illersugaasutut taaneqartarnera annaaneqassava. Matumani assersuutigalugu siusinaartumik soraarnerussutisialinnit, utoqqalinersialinnit suliffissaaleqisuniillu?
- 4) Sannavik illersugaasoq kommunip imaluunniit sumiiffimmi ataatsimut sammisassaqaqtitsiviup imaluunniit kommunip sumiiffimmiluunniit Paaqqutarinniffittut Sammisassaqaqtitsiviup ilaatut atalersinneqassapat, matumani annertuumik innarluuteqanngitsunit inunnit aamma atorineqaruni sannavittut illersukkatut taaneqartarnera annaaneqassava.
- 5) **Sukisaarsarfik** inunnut annertuumik innarluutilinnut ammasuusoq sannavimmut illersukkamut sanilliullugu suna assigiinngissutigaa?
- 6) **Ulluunerani sukisaarsaartarfik** inunnut annertuumik innarluutilinnut ammasuusoq sannavimmut illersukkamut sanilliullugu suna assigiinngissutigaa?
- 7) **Ulloq unnuarlu sammisassaqaqtitsivik** inunnut annertuumik innarluutilinnut ammasuusoq sannavimmut illersukkamut sanilliullugu suna assigiinngissutigaa?

- 8) Sullivimmut illersukkamut ingerlatsinermut tapiissutinik qinnuteqaammut ukiumoortumik naatsorsuutit, ukiumut tulliuuttumut missingersuutit kiisalu siuliani ukiumut naatsorsuutitut ukiumoortumik nalunaarusiaq inummut annertuumik innarluutilimmut namminerlu ineqartumut attuumassuteqartinneqartut pigineqarpata siunnersuutip § 18 a, imm. 1-iani oqaaseq **sinna-avoq, saaq**-mik paasineqassava?
- 9) Ingerlatsinermut tapiisoqannginnerani nalunaarsuutitut piunasaqaatinik naammassinnittoqarsimanersoq Naalakkersuisoqarfik tamakkiisuusumik takussutissiisinaava?
- 10) Siunnersuut ilusimisut iluseqartoq akuersissutigineqassagaluarpat ilaatigut atuisunit inunnit annertuumik innarluutilinnit namminneq angerlarsimaffeqartunit sukisaarsarfinnik ulluunerani sukisaarsaartarfinnik sammisassaqartitsivinnillu atuinerlut matumani kommunit kisimiillutik ingerlatsinermut aningaasalersuisussanngussappat?
- 11) Kommunit ingerlatsinermut tapiissutinik 2004-mit pissarsisinaajunnaarsimasut inunnit annertuumik innarluutilinnit sammisassaqartitsinermi ingerlatsinermut tapiissutiminnik uppernarsaasiisinaasut kingumootumik utertitsivigineqarsinnaappat?
- 12) Taamaattoqassappat kommunit ingerlatsinermut tapiissutiminnik uppernarsaasiisinaasut qanoq annertutigisumik utertitsivigineqarsinnaappat?
- 13) Siunnersuut kommunini 15-ini sannavinnut illersukkanut ingerlatsinermut aningaasaliissutini ukiumut katillugu 5.775.000 kr.-inik akeqarnissaa naatsorsutigineqartoq siunnersuummut oqaasertaliunneqartuni allassimavoq. Sannaviit illersukkat sorpiaat pineqarpat, maannakkullu sannaviit illersukkat ataasiakkaat qassinik sullitaqarpat sulisoqarpallu?
- 14) Sannavinni illersukkani sulisunut ingerlatsinermut tapiissutit naatsorsorneqartarnerannut atatillugu atuisut/inuit annertuumik innarluutilinnit namminneq angerlarsimaffeqartunut malittarisassanut ilaasut kisimik aallaavigineqassappat?
- 15) Siunnersuutip oqaaseqaatitaani atorfillit amerlassusilerneqarneranni piunasaqaatit najoqqutassallu suut aalajangersarneqarsimappat?
- 16) Sulisut sulinggiffeqarnerinut aningaasartuutit qanoq annertutigisut matususerneqartarpat?
- 17) Namminersorerullutik Oqartussat sulisunut aningaasalersueriaasiat pillugu siunnersuummi oqaasertaliunneqartumi allassimavoq:

*Ilaqutariinnermut Pisorta qarfiup sulisunut aningaasartuutit akilertassavai imatut,*

*Sullitat arfinillit qullilu akornannannut sulisunut ataatsimut tapiissuteqartoqartassaaq.*

*Sullitat aqqanillit 25-llu akornannannut sulisunut marlunnut tapiissuteqartoqartassaaq.*

*Sullitat 26-niit qummut sulisunut pingasunut tapiissuteqartoqartassaaq.*

- a)** Sullitat arfiniliusimappata sulisunut aningaasartuutit qanoq amerlatigusut Ilaqutariinnermut Pisorta qarfiup matussusertassavai?
- b)** Sullitat quliuppata aqqaniliuppataluunniit sulisunut aningaasartuutit qanoq amerlatigusut Ilaqutariinnermut Pisorta qarfiup matussusertassavai?
- c)** Sullitat 25-iuppata 26-iuppataluunniit sulisunut aningaasartuutit qanoq amerlatigusut Ilaqutariinnermut Pisorta qarfiup matussusertassavai?
- 18) Oqaaseqaatit taaneqartut saniatigut sulisunik atuineq kommuninit ataasiakkaanit aningaasalersorneqassava?
- 19) Siunnersuummi atorfiit akuerisaasut saniatigut sulisunik ilaqartumik kommuni missingersuusiorsinnaanngippat assersuutigalugu sannavimmi illersukkami atuisut 24-t sulisunit marlunnit isumagineqassappata tamanna Ilaqutariinnermut Pisorta qarfiup naleqquttuusorineqarpa?
- 20) Sullitat sannavinnut illersukkanut attuumassuteqartut tapersersortinik Namminersorerullutik Oqartussanit aningaasalersugaasunik tamanik atuisinnaanerat kipitineqassava?
- 21) Kommunit inunnu annertuumik innarluutilinnut sammisassaqaartitsinerinut siunnersuutip ajorseriartitsinermik kinguneqarsinnaanera pinngitsortineqarsinnaava?
- 22) Siunnersuummi § 18 a, imm. 3 naapertorlugu nalunaarummik qaqugu saqqummiussisoqarsinnaanera Inatsisartut naatsorsuutigisinnaavaat?
- 23) Siunnersuut pillugu Isumaginninnermut Naammagittaalliuuteqartarfik tusarniarneqarsimasut akornanniingilaq. Isumaginninnermut Naammagittaalliorfarfiup tusarniarneqarsimanninnera Naalakkersuisoqarfiup sukkut iluaqutissartaqarsoraa?

Siunnersuut Ilaqutariinnermut Ataatsimiititaliamit suliarinneqarnissaa eqqarsaatigalugu Naalakkersuisunut ilaasortap akissuteqaataa kalaallisoq danskisoorlu kingusinnerpaamik ataasinngorneq ulloq 9. oktober 2006 Ilaqutariinnermut Ataatsimiititaliameeriissasoq qinnutigineqarpoq. Nassuiaat qarasaasiakkut [jhh@gh.gl](mailto:jhh@gh.gl) -mut nassiteqquneqarpoq.

Inussiarnersumik inuulluaqqusillunga

Agathe Fontain  
Siulittaasoq